

道

藏

第一〇册

道藏

李一氓



文物出版社
上海书店
天津古籍出版社

東嶽大生寶懺

淨天地呪淨壇

啓白

香騰瑞靄溶溶徧滿於太虛人秉精誠翼翼敢違於咫尺恭焚寶香上啓供養

被

東嶽泰山青帝廣生帝君東嶽天齊大生仁聖帝九天司命上卿真君上殿至聖威雄炳靈仁惠王東嶽啟明皇后護國西齊大王蓬玄空洞洞天仙官長白山儲副仙官梁父山儲副仙官聖嗣祐靈侯惠靈侯靜鑑大師宣靈侯四嶽四天聖帝左右上相張康二大聖顯應十聖小王地府崔府君蒿里丈人增福相公昭惠靈顯王護國顯應王清源妙道真君義勇武安王崇寧真君護國嘉應公漆河靈派侯六部尚書善部尚書惡部尚書具曹卿監鎮殿二將軍左右金吾衛將軍三元吳客三侯真君左右二闕神白驛大王地祇主令溫元帥地祇院九大元帥追魂朱太尉協真侯劉元帥七十五司判官二十四案主者三十六洞天仙官七十二福地仙官靖廬福

地治化仙官岱嶽朝班聖眾今年太歲神君靈濟侯高都督天下都大城隍主者九州社令神祇年月日時四直功曹屬府州縣祀典廟貌神祇悉仗真香普同供養香乃紫虛鬱秀靈風聚煙香雲密羅徑御洞天當願香官使者爲_臣通奏上聞

帝前令_臣所啓咸賜如言入意具諸情悃已露敷宣伏望雲擁旌旗離虎闕而下_臣風清警蹕聽鸞輅之和鳴森羅百辟以駭_臣環列千官而扈從齊臨塵陋俯察精純今則蘭湯潔備寶炷濃熏對越聖真宣揚懺法稽首皈依無極大道

舉三級依

志心皈依 十方道寶當願眾生起心

回向一切信禮

志心皈依 十方經寶當願眾生心開

悟解受持轉誦

志心皈依 十方師寶當願眾生普上

法橋無有障礙

啓白

臣聞渾淪未判渺一炁以無垠高下既陳莫三才而有象地爰分於五嶽權莫重於泰山標雄齊魯之邦作鎮角亢之分虞朝歲狩禮重燔柴周世時巡禮嚴用幣是宗是仰無比無倫恭惟

東嶽天齊大生仁聖帝應年造化生於混沌之初立自陰陽鎮彼幅員之域與天齊久大德曰生仁以得仁體乾元之發育聖而益聖居泰岱之岩堯五方端處於東方三界獨尊於中界奉行天令宰御陰司阿閼石間維神居之淵默金籙玉策知人壽之短長設七十五司以掌權衡有三十六嶽以懲兇惡永綏邦社大庇民區國家致祭於歲時率土來朝於春月聰明正直有欲必從炁焰威靈無遠弗届凡伸祈禱諒沐慈憐是以潔蓬革之塵居建香花之法會拜手稽首具瞻咫尺之威容皈命投誠期祿萬生之罪垢洋洋如在感而遂通法衆虔誠稱揚讚詠

衆誦

仰啓天齊仁聖帝 五嶽最巨岱爲宗

分掌世界人間事 悉鍾神秀儼居東
截彼泰山高且大 四千九百丈凌空
山頂名爲太平頂 捨身臺與介丘峯
仁安殿宇瑤瑤瑩 冠冕巍然御正中
上古帝王修封禪 升中告代勒成功
七十二君名具列 始自軒轅得上封
碑碣猶存秦篆刻 水池東列大夫松
唐皇鏤刻沉香像 宋室建置會真宮
國朝混一加尊禮 大生二字侈褒崇
至仁至聖爲民極 時雨時暘相感宣
傾倒虔恭皈命請 遙瞻雲闕禮慈容
和不可思議功德

舉三信禮

信禮 高上九炁天中東方靈寶天尊
信禮 高上九炁天中青靈始老天尊

信禮 高上九炁天中東華上相天尊
巨聞嶽居異艮之間主司考校人處乾坤之
內動結慾尤嚴簡冊以必書雖毫分而無失
伏念求懺弟子某等浮生寄世托蔭爲人身
體髮膚受之父母耳目鼻口全爾形神是爲

萬物之靈均稟五行之秀經年累月積日踰
時過咎若於丘山善念微於塵露罪根難滅
惡貫易盈不知懺謝之門莫曉首陳之路靜
思其故何以自文茲悔過以省愆庸俯躬而
請命謹消穀旦傾向葵誠爐焚芬馥之清香
燭秉輝煌之朱焰扣鍾擊磬聲相應於步虛
酌水獻花禮不逾於誠實祭效西鄰之禱拜
投東嶽之尊用贖前非期消宿業敬憑懺悔
並乞宥原法衆虔誠皈依讚禮

舉人各恭敬 衆和各一拜

志心朝禮 統御東方尊臨奉歡青靈

儲粹儼然石像之威嚴玉冊進封
加以帝君之謚號廣生褒美亘古
垂休大悲大願大聖大慈東嶽泰
山青帝廣生帝君

志心朝禮 含德體仁鎮茲東夏岱宗
稱長統三宮空洞之天福地推權
治鬼神考謫之府祀爰崇於帝制
位乃主於玄枵大悲大願大聖大
慈東嶽天齊大生仁聖帝

志心朝禮 自幼捨家通遊參訪受太
一天尊之記得道冲昇降司命真
君之名同僉糾察居治霍山司命
府溪膺東嶽上卿封大悲大願大
聖大慈九天司命上卿賜福佑聖
真君

志心朝禮 系孕嶽靈裔流天泓坤元
合德備仁孝以兼金帝夢傳宗謂
威雄之可愛爲儲宮之主器受王
爵之疏封大悲大願大聖大慈上

殿至聖威雄炳靈仁惠王

志心朝禮 東嶽淑明皇后

志心朝禮 護國西齊大王

志心朝禮 蓬玄空洞洞天仙官

志心朝禮 長白山儲副仙官

志心朝禮 梁父山儲副仙官

志心朝禮 聖嗣祐靈侯

志心朝禮 聖嗣惠靈侯

志心朝禮 聖嗣靜鑑大師

志心朝禮 聖嗣宣靈侯

志心朝禮 南嶽司天大化昭聖帝
志心朝禮 西嶽金天大利順聖帝
志心朝禮 北嶽安天大真玄聖帝
志心朝禮 中嶽中天大寧崇聖帝
眾誦呪

青玄真布 元品洞靈 扶桑總衛 始生元英
丹林散明 育質生英 混合玄景 消制魔羣
志心朝禮 奄有大東東嶽天齊大生

仁聖帝

志心朝禮 羣嶽之長東嶽天齊大生

仁聖帝

志心朝禮 峻極于天東嶽天齊大生

仁聖帝

志心朝禮 齊同慈愛東嶽天齊大生

仁聖帝

志心朝禮 含弘光大東嶽天齊大生

仁聖帝

志心朝禮 覆被羣生東嶽天齊大生

仁聖帝

志心朝禮 一視同仁東嶽天齊大生

仁聖帝
志心朝禮 惟睿作聖東嶽天齊大生
仁聖帝
志心朝禮 尊號爲帝東嶽天齊大生
仁聖帝

禮足各長跪皈命懺悔

臣法眾等志心皈神皈身皈命

東嶽泰山廣生帝君天齊大生仁聖帝九天

司命真君至聖炳靈王岱嶽朝班真宰一切

威靈臣聞嶽爾真形兀若尊安之勢身爲大

幻寧無踐履之申恭望

聖慈洞垂巨澤普降洪恩懺悔今辰信士某

等億劫以來立身之後戴天履地負陰抱陽

螳聚而居蠅營是務周旋進退無片善之可

書出入起居聚百非而弗覺或觸突於眾聖

或羸露於三光背禮而行非義而動高車大

馬馳騁於名利之途細葛輕裘服玩過奢華

之麗行多隱僻分外營求徒受一形罔知三

省積成罪咎無量無邊伏願眾聖流恩羣真

錫祉以仁及物解身業之繁縷保命延年俾

罪山之摧弭更新洪福均及舍生臣等志心
稽首禮謝

無上至真道寶

大聖道寶天尊

皈依無上道 大羅三境尊 懺悔諸善信

願消身業愆 四非皆克去 見善日能遷

檢身若不及 福祿自延年

消除身業天尊

誨呪

盛德在木 上應歲星 五嶽之祖 天帝之孫

日在於東 爲天之門 霽郁紛紛 喜烝細縕

志心朝禮 在東象日東嶽天齊大生

仁聖帝

志心朝禮 四嶽所宗東嶽天齊大生

仁聖帝

志心朝禮 溥博如天東嶽天齊大生

仁聖帝

志心朝禮 九炁齊并東嶽天齊大生

仁聖帝

志心朝禮 大而化之東嶽天齊大生

仁聖帝

志心朝禮 好生惡殺東嶽天齊大生

仁聖帝

志心朝禮 薰然慈仁東嶽天齊大生

仁聖帝

志心朝禮 聰明聖智東嶽天齊大生

仁聖帝

志心朝禮 合地曰帝東嶽天齊大生

仁聖帝

禮足各長跪皈命懺悔

○ 臣法衆等志心皈身皈神皈命

東嶽泰山廣生帝君天齊大生仁聖帝九天

司命真君至聖炳靈王岱嶽朝班真宰一切

威靈臣聞維嶽降靈大闡慈悲之造舉心運

念即爲禍福之門恭望聖慈洞垂巨澤普降

恩休懺悔某爰從往昔以迄于今六鑒相攘

七情不節巧生計較恣起貪婪欲縱所之肆

荒淫而無度德忘攸好唯富貴之是求放僻

邪侈無弗爲恣懷恐懼不得正護己之短挫

人所長妬賢嫉能自昧靈臺而罔覺凌孤弱

寡素爲閭室之可欺以偽雜真得新忘故懣

然方寸未悟九思結縲滋多難名難述伏願

聖帝垂慈真靈洞鑒上孚仁意赦諸心業之

愆下遂人情熙若春臺之樂更新祈洪廢均及

含生臣等志心稽首禮謝

無上正真經寶

大聖經寶天尊

皈依無上經 三十六部尊 懺悔諸善信

願消心業愆 常清亦常靜 自然愆不生

○ 內外俱負白 永保道心寧

消除心業天尊

衆誦呪

嚴嚴泰山總制羣靈受天命 主宰人倫

其位則東 其德則仁 萬物資始 功濟生民

志心朝禮 威於東方東嶽天齊大生

仁聖帝

志心朝禮 冠五嶽首東嶽天齊大生

仁聖帝

志心朝禮 維天則靈東嶽天齊大生

仁聖帝

志心朝禮 變化齊一東嶽天齊大生

仁聖帝

志心朝禮 能成其大東嶽天齊大生

仁聖帝

志心朝禮 與生俱生東嶽天齊大生

仁聖帝

志心朝禮 顯仁藏用東嶽天齊大生

仁聖帝

志心朝禮 乃聖乃仁東嶽天齊大生

仁聖帝

○ 志心朝禮 以德而帝東嶽天齊大生

仁聖帝

禮足各長跪皈命懺悔

○ 臣法衆等至心皈身皈神皈命

東嶽泰山廣生帝君天齊大生仁聖帝九天

司命真君至聖炳靈王岱嶽朝班真宰一切

威靈臣聞嶽鎮山川妙無聲而無臭口宣言

語多有是以有非恭望聖慈洞垂巨澤普降

洪恩懺悔某等自宿生至于今日華言綺

語利口惡聲閑論高談狂歌浪笑沉酣麴蘖

從耽樂以無厭食啗羶腥謂肥甘之不足或
呵風而叱雨或怨暑以咨寒慢道諂神輕儒
毀釋掉三寸舌咨離間於六親欺一片心間
是非於兩處華言惑眾誇富欺貧每憑駟舌
莫謹三緘總積深怨濯髮難數伏願聖帝矜
憐真靈惻憫德音宣布冀口業之蠲除眾宇
清寧獲教聲之漸被更祈洪蔭均及含生臣
等志心稽首禮謝
無上正真師寶

大聖師寶天尊

皈依無上師 人天得道尊 懺悔諸善信
願消口業愆 如瓶能謹守 一語訂千金
言滿無口過 皆足清靜音

消除口業天尊

舉步虛旋行躡雲綱

散花

臣聞為善為惡固難昧於神明降福降殃乃
各司於曹局六合內外萬物洪纖凡有氣形
悉歸統隸列錄過紀功之職設掌生注死之
官總括幽明典司民物今求懺信士某等身

居塵網生係凡根向平時見義而不為謂小
惡無傷而弗去釀成眾罪慮有百殃爰仗至
誠仰祈至應導將來之福祉謝已往之愆尤
稽首皈依虔誠敬禮

志心敬禮 左右二丞相

志心敬禮 張康二大聖

志心敬禮 顯應千聖小王

志心敬禮 永嘉夫人

志心敬禮 玉仙娘娘

志心敬禮 謝思娘娘

志心敬禮 地府崔府君

志心敬禮 萬里相公

志心敬禮 增福相公

志心敬禮 昭惠靈顯王

志心敬禮 護國嘉應公

志心敬禮 清源妙道真君

志心敬禮 義勇武安王崇寧真君

志心敬禮 護國顯應王

志心敬禮 漆河靈派侯

志心敬禮 六部尚書

志心敬禮 善部尚書

志心敬禮 惡部尚書

志心敬禮 六曹卿監

志心敬禮 白驃大王

志心敬禮 左右鎮殿二將軍金吾

衛將軍

志心敬禮 三元吳客三侯真君左

右二關神

志心敬禮 翊靈昭武使溫元帥

志心敬禮 順靈昭化使李元帥

志心敬禮 協靈昭濟使鐵元帥

志心敬禮 鎮靈昭贊使劉元帥

志心敬禮 通靈昭佑使楊元帥

志心敬禮 宣靈昭慶使張元帥

志心敬禮 廣靈昭惠使康元帥

志心敬禮 安靈昭應使岳元帥

志心敬禮 顯靈昭利使孟元帥

志心敬禮 永靈昭助使韋元帥

志心敬禮 追魂朱太尉

志心敬禮 協真侯劉元帥

志心敬禮 天曹司地府司判官
志心敬禮 注祿司長壽司判官
志心敬禮 子孫司官負司判官
志心敬禮 土地司財帛司判官
志心敬禮 僧道司絲蠶司判官
志心敬禮 總統司四生司判官
志心敬禮 城隍司曹吏司判官
志心敬禮 齋戒司風雨司判官
志心敬禮 校量司勾願司判官
志心敬禮 孤魂司地獄司判官
志心敬禮 疾病司昧心司判官
志心敬禮 功德司五穀司判官
志心敬禮 放生司注福司判官
志心敬禮 山林司孝順司判官
志心敬禮 修廟司殺生司判官
志心敬禮 六道司還魂司判官
志心敬禮 忠直司驛客司判官
志心敬禮 照正司毒藥司判官
志心敬禮 水府司看經司判官
志心敬禮 醫藥司燒香司判官

志心敬禮 舉意司速報司判官
志心敬禮 刑戮司陰謀司判官
志心敬禮 追魂司發汗司判官
志心敬禮 注死司惡報司判官
志心敬禮 法水司枉死司判官
志心敬禮 陳狀司索命司判官
志心敬禮 推問司平等司判官
志心敬禮 鯨鯢司走獸司判官
志心敬禮 門神司忤逆司判官
志心敬禮 貧窮司貴賤司判官
志心敬禮 掠剽司水怪司判官
志心敬禮 山神司促壽司判官
志心敬禮 姦邪司主禍司判官
志心敬禮 失魂司飛禽司判官
志心敬禮 精怪司墮胎司判官
志心敬禮 冤枉司盜賊司判官
志心敬禮 減壽司送病司判官
志心敬禮 鬼魅司判官
志心敬禮 二十四案主者
志心敬禮 三十六洞天仙官

志心敬禮 七十二福地仙官
志心敬禮 靖廬福地治化仙官
志心敬禮 火池四聖五道大神
志心敬禮 岱嶽朝班官典聖眾
志心敬禮 今年太歲尊神
志心敬禮 歲分行瘟主火聖眾
志心敬禮 福山東嶽行宮靈濟侯
志心敬禮 高都督
志心敬禮 天下都大城隍主者
志心敬禮 九州社令之神
志心敬禮 年月日時四直功曹
志心敬禮 本府城隍之神
志心敬禮 屬縣縣隍王者
志心敬禮 祀典廟貌神祇
志心敬禮 當鄉界土穀之神
志心敬禮 靈
志心敬禮 今日虛空過往監察威靈
舉消除業障天尊
步虛
臣聞凡人有過皆由一念之差主善為師可

致百祥之降倘非預防其患必貽速戾于躬
開以自新翻然退省皈依三寶冀三業之水
消朝禮眾真祈眾愆之電掃六根清靜萬罪
蠲除故為誤犯之非自作教他之過懺前隨
釋拜下咸源重念_臣等緬想靈光俯領丹禱
日嚴祇敬瀆不懼於再三天命靡常福用敷
於九五更錫有孚之惠可為無過之人伏願
大播仁風扇業花而殞落普沾聖澤滋善果
以生成_臣等無任激切荷
恩之至謹啓以聞

三啓

三禮

禮經

巨法眾等志心皈命太上三尊十方眾聖禮
經如法

志心稽首禮太上無極大道

志心稽首禮三十六部尊經

志心稽首禮玄中大法師

十二願

一願一人有慶 二願二景齊明

三願三農樂業 四願四序和平
五願五祠鞏固 六願六合澄清
七願七星臨照 八願八節安榮
九願九泉開泰 十願十類生成
十一願福流善信 十二願大道興行

向來

向來朝修禮懺並已周圓回謝

東嶽天齊大生仁聖帝岱嶽一切威靈伏望
聖慈曲垂洪覆上願

當今皇帝與天齊壽祚衍無疆偃武修文兵

期永息兆姓歌謠於有道四方欣樂於太平

陰暢陽舒時和歲稔次願求懺信士某等黑

簿除永劫之愆青籍紀長生之字在在克蒙

於元吉人人咸囿於安和九祖齊仙十方共

慶乃至含生品類均沾成遂之仁長夜幽魂

俱沐超凌之化爲上因緣念

東方靈寶天尊青靈始老天尊東華上相天

尊福生無量天尊不可思議功德

東嶽大生寶懺

太上靈寶十方應號天尊懺卷之二 原缺卷一
卷三之九

爾時妙行真人間

太上說善惡因緣報對事已禮拜讚歎至誠

苦切重白

太上曰眾生愚癡沉迷世網不能自覺得免

罪中流轉生死常處苦處上望慈尊願見開

悟使來生男女歸心善道不落三塗

太上曰一切眾生捨身受身无量劫來身心

情意眼耳鼻口構成諸罪沉迷觸法內造外

造六情互起更遞相生罪根增長念念成非

有。无量之罪數等塵沙結習來久總在身中

先緣今緣從劫至劫不可記識一念歸心皆

得清淨猶如明鏡前後塵垢諸雜不淨積聚

蔽翳內外濛濛若一旦遇其良匠拂拭磨洗

表裏光徹洞照遠近明淨如初何以故本來

明淨者也眾生亦然神本清淨無諸滓穢但

受形之後內外塵垢漸染成愆六根六欲六

情六入六染六賊六塵六識分別是非妄作

穢弊內暗外滋失其真性流浪死生動成罪

因報對相緣便入地獄受諸苦惱萬劫沉淪

吾以慈悲憐念眾生故從劫至劫變化人間或聖或凡種種應身方便教化流傳經戒開悟度脫使出苦惱而眾生薄福不能覺悟且諸天上聖神仙真眾常欲人滌惡生善則善神祐衛若罪結在身不知懺悔則惡神禍之生死受苦一切眾生唯知外飾面目衣服手足而不知內洗身心以免罪結若如面目手足衣服之類勤加洗潔則善必有歸咎將何及今重分別各當懺悔

懺殺生品

太上告妙行真人曰一切眾生過去見存不念慈悲殺害眾生喫食無厭或爲父母以及己身子孫眷屬追隨凶吉聚集鄉閭殺害眾生不可稱計或享祀祖先祈賽社竈殺害眾生亦不可計或殺牛羊猪狗驢馬鷄犬依人牧養之類或殺麋鹿狐兔豺狼山林野獸之類或殺鵝鴨鳥鵲鴿鷓鴣鳬鷺鷥鷄鶩飛禽之屬或殺蟲蛇虺蝎蜂螫蜘蛛蜈蚣蚣蟻蟻之類或殺龜鼈龜魚鰕鱖蟹螺蚌蟻蛤水蟲之類或殺蜚蠊蟻蟻負蝨螟蛉蚯

蚓小蟲之類或殺蚊蚋蚤蠶蜂蟬蜘蛛蝻蝻化生之屬或飛鷹鵬大窮林竭澤殺害眾生或張羅布網放火燒山殺害眾生或持弓捍矢操刀執杖殺害眾生或坐卧行立手捺足踏殺害眾生或起造宅舍修築垣壁殺害眾生或耕田播殖穿坑出土殺害眾生或雜草平地採樵伐木殺害眾生或摘花挽果生蠶蠶曝曬殺害眾生或然燈爇火背明向暗殺害眾生或引水入穴熱湯潑地殺害眾生飲水食飯沐髮浴身殺害眾生剖胎破卵傷筋斷骨殺害眾生或開口舉意伸手動足殺害眾生或對天尊大道真經妙法一切聖賢殺害眾生或於天地三光之下殺害眾生或於三元八節十直齋日及風雨晦晦殺害眾生或於玄壇靈觀道場法座殺害眾生或因瞋怒愁惱歡樂歌舞殺害眾生或合和湯藥救療病苦殺害眾生或命絕手中身亡刀下或因征進或爲仇讎或倚豪強或恃財勢或斷其頭足剥去皮毛猛火煎燒沸湯潑煮或生分子母斷其胎育或攻絕命根令其磨滅或恐

殺怖殺毒藥殺呪罵殺或自殺教他殺故殺誤殺口殺意殺心殺看殺傳言遣殺如是等事隱蔽在身未曾發露若無懺悔永劫縈纏歸命虔誠謹當信禮

志心信禮 大聖至真元始天尊

志心信禮 清都蘭妙天尊

志心信禮 乾坤開度天尊

志心信禮 穹崇勝蓋天尊

志心信禮 轉輪自在天尊

志心信禮 超凌上境天尊

志心信禮 回靈感天尊

志心信禮 逍遙太虛天尊

志心信禮 廣大玄功天尊

志心信禮 日月照天尊

志心信禮 紫府垂惠天尊

志心信禮 制威魔天尊

志心信禮 受煉更生天尊

志心信禮 高妙天尊

志心信禮 大威力天尊

志心信禮 梵形天尊

志心信禮 柏空慧天尊
志心信禮 度仙高妙天尊
志心信禮 教化萬物天尊
志心信禮 常樂導天尊
志心信禮 玉華靈耀天尊
志心信禮 玄穹垂化天尊
志心信禮 金顏天尊
志心信禮 受經蘊天尊
志心信禮 散流威德天尊
志心信禮 至聖覃恩天尊
志心信禮 識宿命天尊
志心信禮 入法門天尊
志心信禮 靜氣天尊
志心信禮 洞觀妙天尊
志心信禮 九靈自在天尊
志心信禮 天門高僊天尊
志心信禮 龍興下濟天尊
志心信禮 慈悲五苦天尊
志心信禮 香光德天尊
志心信禮 寶相歡喜天尊

志心信禮 軫念塗炭天尊
志心信禮 能度脫禁龍天尊
志心信禮 龍音慈救天尊
志心信禮 无礙清淨相天尊
志心信禮 大慈悲救苦真人
志心信禮 大慈悲太極真人
志心信禮 大慈悲普濟真人
志心信禮 大慈悲妙行真人
歸依十方无上天尊諸大真聖某乙自從无
量劫來捨身受身或曾犯如上殺生之罪又
或先祖父母子孫眷屬所犯如上殺生之罪
合逮及見今某乙今日仰憑大慈之恩咸得
洗懺冤對解脫善緣增長所殺一切毛羣羽
族蠕動之類仗此殊功並各生化度脫逍遙
稽首十方正真三寶

懺三業品

太上告妙行真人曰一切衆生沉淪惡道无
由解脫者皆因身心口三業所犯一者身業
之罪不念己身受三儀陶育三光臨照四時
資養五行生成而不知荷戴愧畏不念己身

受父母長養師尊教授而不持孝奉不念己
身受國王大臣之庇化不生忠敬不念己身
受一切聖賢掌括罪禍錄籍而不信善惡報
對謂其自然長存不覺不知不畏不悔不戒
不慎唯貪細滑多受惡觸殺盜邪淫不可勝
計非法亂常酗酒自恣二者心業之罪無明
之火終日煎燒六情三惑馳競無歇萬惡之
由自茲始也或起偷盜上聖高尊真經秘錄
靈祠淨境園林花果供養法物等心或起偷
盜君國倉庫賢人長者以及卑賤愚劣一切
等物之心凡百之物起一念心皆爲偷盜妄
想好惡生於內善惡報對起於外又或起違
負三光輕量衆聖心或起陰謀私計枉陷善
人心或起殺害衆生故傷物命心或起詭曲
狡偽奸究誣罔心或起嫉人勝己妬忌自恃
心或起教人作惡令犯不義心或起敗人成
功破人作善心或起離人骨肉隔人恩愛心
或起違經背法破齋犯戒心或見一切形質
起諸慾心或於一切凡聖起諸愚癡心或起
背真向偽信邪倒見心或起自任愚鄙不從

善化心或起損彼利此害他自饒心或起瞋
怒憎嫌慳貪戲弄心或起與人一失忘其平
昔恩義心或起毒語害人美言致禍心或起
妄動夢想放蕩不正心或起口是心非面譽
背毀心或起急即歸依退無回向心如是一
切非平等心衆生日有三者口業之罪一切
男女累積口過與劫齊深或啗食五味葷辛
血肉充養形骸不生慚愧而無厭足終日自
恣惡口兩舌誑妄是非或於至真大道天地
三光寶經妙法賢人長者師尊父母高下貪
富鬼神幽顯行於華言綺語曾無信實凡詞
呪咀惡語誣毀呵風罵雨叱咤尊卑調諧愚
智善言惡對好結冤非邪言佞人巧詞惑衆
評量美惡鬪亂親疎詐偽作真愛虛成實論
人之短說己之長添人怨恨欲進其身誇誕
奸邪抑屈良善雖誦經教內懷矯妄曾不歸
依自言功德且夫至神聰直安在誦求祈禱
無靈便生謗毀三業之罪頃刻不無不知積
重沉舟積惡墮已今日歸誠願皆懺悔

志心信禮 大聖至真元始天尊

志心信禮	資益善緣天尊
志心信禮	飛步朱宮天尊
志心信禮	長樂身天尊
志心信禮	大妙高玄天尊
志心信禮	冲昇金闕天尊
志心信禮	大信惠天尊
志心信禮	出世因緣天尊
志心信禮	金臺清淨光天尊
志心信禮	德自在天尊
志心信禮	太極無名天尊
志心信禮	靈元天尊
志心信禮	寶明天尊
志心信禮	善香天尊
志心信禮	咸承慧日天尊
志心信禮	端靖真相天尊
志心信禮	普扇真風天尊
志心信禮	善觀妙天尊
志心信禮	金幢天尊
志心信禮	善意願天尊
志心信禮	大光明天尊

志心信禮	威德清淨天尊
志心信禮	玄慈拯濟天尊
志心信禮	寶光照无極天尊
志心信禮	師子威儀天尊
志心信禮	功德通王天尊
志心信禮	普明觀天尊
志心信禮	无憂德天尊
志心信禮	破煩惱光明天尊
志心信禮	常靜默天尊
志心信禮	增益方便天尊
志心信禮	梅檀德王天尊
志心信禮	純寶藏天尊
志心信禮	寶辯天尊
志心信禮	光明徧冥際天尊
志心信禮	開通聖力天尊
志心信禮	虛空相天尊
志心信禮	仙靈含素天尊
志心信禮	五雲騰迹天尊
志心信禮	念羣迷天尊
志心信禮	大慈悲救苦真人

志心信禮

大慈悲拔罪真人

志心信禮

大慈悲普濟真人

志心信禮

大慈悲妙行真人

歸命十方无上天尊諸大真聖其自從无量劫來捨身受身至于今日所犯三業之罪无量无边隱蔽在身又或先代所犯罪及見今其受苦報者仰憑大慈之恩願垂拯拔三業原除六根清淨免值九幽之下風刀考身鐵戟撞心洋銅灌口拔舌之罪並希度脫稽首十方正真三寶。

釋怨品

太上告妙行真人曰沉淪惡道生死苦惱卒難解脫展轉對報者無如怨結之罪深重也一切衆生在衆賢世界未能悟解善道終日孜孜增長其業不知怨恨於身無益但自目前見事發諸無明或中心含蓄空撓方寸殊不知天地虛空司命司察及人身中司過之神錄其憤恨奏上天宮定其罪目救下陰司一入惡道備受苦趣再生人中又相讎一劫劫生生無有窮已皆由自作自受如形有影

何能逃避所以至人大則捨位捨身小則捐華割愛謹守空寂不競人我正爲去此怨恨也且緣人於至親固合孝愛深重反不和樂者多皆是宿世怨恨之重故令今生如此且爲人師尊父母在長在上者多責望其事奉報效小不如宜則生怨恨爲人子孫眷屬者多所望其恩愛陰育如其不及則怨恨生若無責望怨恨何有或於天地三光高真上聖生於怨恨風雨雷電和寒暑熱生於怨恨君親師長六親眷屬生於怨恨田園家宅五穀五味生諸怨恨麻帛絲絛果實蔬茹生諸怨恨朋友交執爭名競利生諸怨恨經求市易入賤出貴生諸怨恨公私訟理巧文曲詞生諸怨恨酒色博奕不辯賢愚生諸怨恨是非得失不持謙和生諸怨恨取人長錢還人短陌空諸怨恨不憐老病不念貧窮生諸怨恨呪罵人物鞭撻人畜生諸怨恨阻人口腹絕人恩愛生諸怨恨慳吝惜嫉人勝已生諸怨恨滅人自益危人自安生諸怨恨清弱暴寡捨遺取施生諸怨恨輕秤小斗狹幅短度

生諸怨恨施人求報受恩不感生諸怨恨辱人求勝敗人好事生諸怨恨使役人畜不念勞苦生諸怨恨恃其無明小不如意則狠毒咒詈欲其速死速滅萬惱百惡生生世世令彼所受未爲足意又有懷其怨恨蘊在心中無復發露沒齒不解至于冥司方能對報所以怨恨難解者如其結縛若無懺悔難於解免展轉不絕深可痛哉但自退思怨恨憤切從無入有祇積業根勸諸衆生早當悟解速宜改悔免結縈纏彼我都忘怨恨何有激切。

一心謹當信禮

志心信禮

大聖至真元始天尊

志心信禮

高上太虛天尊

志心信禮

普示玄德天尊

志心信禮

九氣順生天尊

志心信禮

玄微淵湛天尊

志心信禮

妙淨隆德天尊

志心信禮

真尊康妙天尊

志心信禮

常護持天尊

志心信禮

垂法應形天尊

志心信禮 隨機降福天尊
志心信禮 廣通玄天尊
志心信禮 妙尊高天尊
志心信禮 闡揚玄化天尊
志心信禮 含真顯慧天尊
志心信禮 參玄入妙天尊
志心信禮 廣行天尊
志心信禮 无視聽天尊
志心信禮 大隱宣慈天尊
志心信禮 布玄化天尊
志心信禮 太素凝和天尊
志心信禮 萬真齊證天尊
志心信禮 清真發耀天尊
志心信禮 智無極天尊
志心信禮 玄衆真天尊
志心信禮 寶雲垂妙天尊
志心信禮 制劫運天尊
志心信禮 法澤被无邊天尊
志心信禮 玄極光化天尊
志心信禮 功德圓滿天尊

志心信禮 拔衆苦天尊
志心信禮 无上至真王天尊
志心信禮 玉輝相天尊
志心信禮 通幽顯天尊
志心信禮 垂象外天尊
志心信禮 洞清冥天尊
志心信禮 常拯世難天尊
志心信禮 玄大法音天尊
志心信禮 真身定天尊
志心信禮 濟十苦天尊
志心信禮 離垢愛天尊
志心信禮 大慈悲救苦真人
志心信禮 大慈悲滅罪真人
志心信禮 大慈悲普濟真人
志心信禮 大慈悲妙行真人
歸依十方无上天尊諸大真聖今日奉爲某
乙兼及過去父母祖先師長眷屬以至九幽
六道一切衆生志心懺悔滅除前件怨恨之
罪俱得解脫各當思省未來之事不更造作
免其世生生怨報无已或沉或滯或人或

天惡根永斷逍遙適樂無復纏綿稽首十方
无上正真三寶
太上靈寶十方應號天尊懺卷之二

太上靈寶十方應號天尊懺卷之十 律

師尊父母品

太上告妙行真人曰一切眾生受大道天地而化育而託質於父母其父母提攜乳哺寒暑晦明備極養育及乎成長即染習惡趣淫荒嗜好喜怒悲惱三業十惡六情六塵六入六識六根六賊內外漸染積成愆累沉淪於棄賢離惡世界淪沒於生死愛河幽牢地獄種種苦處雖具人事與夫飛走無異也若不因師為其破疑毀滯開執除惑示以三乘大法百千妙戒經錄符圖罪福齋法長生秘訣度世羽書方便級引檢制修行自邇及遐超凡入聖結無量之緣拔有累之軀上薦七祖下濟羣生是以師尊有度世之恩父母有生身之德恩德巍巍廣大無邊固合行思遵敬動懷孝養奈何眾生劣薄自取沉淪事奉師尊父母曾無柔順恭謹侍養孝愛始卒違息先後無間動生怨結盡成愆過不懷度世之愧不起生身之報若於諸惡斯罪益重如無回向何以蠲原今日某乙覺悔首謝自從無

始以來至于今世或捨身受法奉道求師為己及人廣傳經戒無奉師之意之信向之心負約違科積咎增過又或於父母失恭敬孝養之心忘生身乳哺之德如上之罪無量無邊結在陰冥招其報對並仗廣大威神無窮惠力令得洗懺諸罪消潰善根增長若亡者再生人中道緣堅固速悟真乘常得安和不墮惡道一心歸命懇志虔切奉為師尊父母信禮十方大慈無上尊

志心信禮 大聖至真元始天尊

志心信禮 玄智遠照天尊

志心信禮 德化遐荒天尊

志心信禮 浮紫霞天尊

志心信禮 大乘空慧天尊

志心信禮 萬行圓滿天尊

志心信禮 大洞淵寂天尊

志心信禮 悟萬法天尊

志心信禮 瓊瑤蓋天尊

志心信禮 斷迷惑天尊

志心信禮 幽顯無極天尊

志心信禮 領眾靈天尊

志心信禮 和神物天尊

志心信禮 法雲流潤天尊

志心信禮 棲真至隱天尊

志心信禮 志端妙天尊

志心信禮 妙福無邊天尊

志心信禮 證道源天尊

志心信禮 延光像天尊

志心信禮 道舍育天尊

志心信禮 大光照天尊

志心信禮 勸法無礙天尊

志心信禮 法緣濟天尊

志心信禮 真相具足天尊

志心信禮 太微光天尊

志心信禮 保慶應權天尊

志心信禮 玉京垂惠天尊

志心信禮 湛寂凝玄天尊

志心信禮 行圓虛界天尊

志心信禮 權輿方便天尊

志心信禮 神真妙闕天尊

志心信禮 應緣常濟天尊

志心信禮 尊世無為天尊

志心信禮 輪萬法天尊

志心信禮 光德圓天尊

志心信禮 無量增益天尊

志心信禮 沖和淨樂天尊

志心信禮 玄隱無為天尊

志心信禮 幽源不測天尊

志心信禮 道慧圓天尊

志心信禮 大慈悲救苦真人

志心信禮 大慈悲拔罪真人

志心信禮 大慈悲普濟真人

志心信禮 大慈悲妙行真人

歸依十方無上天尊諸大真聖某乙今日發

無上道意仗其大慈之力應號如意伏願前

生今世授道師尊已神未聖已達未達道心

堅固萬試不干速入大乘證真常道不生不

滅無論無壞又願累劫今身七世父母或沉

或滯已生未生昇入法門眾惡萬緣一時解

脫超凡入聖合道成真稽首十方正真三寶

地獄品

爾時妙行真人稽首上白曰眾品妙議咸所

聞知未審地獄苦處復有幾種輕重若何

太上曰所修既有等差地獄豈無輕重但人

死之時地司關奏上界諸天帝王三元四司

定其罪目輕重有配復稽首敬問曰死者皆

經地獄否

太上答曰若積習善行有諸功德上天已錄

生簡便即轉形還生福報豈復更經地獄也

但積惡之人命過之後當受對報或入酆都

泰山二十六地獄或入九幽十八地獄或入

東方風雷地獄或入南方火翳地獄或入西

方金刀地獄或入北方寒水地獄或入東北

方鞭撻地獄或入東南方焦然地獄或入西

南方熱鐵牀地獄或入西北方鑊湯地獄或

入中央斧鉞地獄或入下方糞穢地獄或入

監天地獄或入平天地獄或入自然地獄或

入九平地獄或入青詔地獄或入玄天地獄

或入九正地獄或入玄沙地獄或入皇天地

獄或入禁伐地獄或入北玄地獄或入律令

地獄或入無間地獄或入女青地獄或入天

乙地獄或入太幽玄地獄或入五嶽之獄或

入四海九河之獄如是等獄幽牢苦閉長夜

寒庭猛飈飛風疾雷驚震鋒刀劍戟鐵杖金

鉗銅柱鐵牀身抱體卧毒禽猛獸霜牙雪齒

互加考責以至灰河萬派毒浪千尋漫漬其

間切楚何極長驅猛吏執罰神兵百億萬眾

種種拷掠一日之中萬死萬生當此之時追

悔何及動經一劫罪畢受生或作驢牛驢馬

令人乘駕或作羽毛鱗甲令人屠戮受此報

已方作人身復又愚癡醜陋神識不具唯處

下劣手足虧折眼目盲聾聾啞顛邪苦疾加

至飢寒凍餓衣食不充刑法備加常在苦地

稍異畜類未嘗安處皆自先業何由逃避若

無懺悔安能免之是故歸命一心丹倒苦切

奉為師尊父母宗親眷屬次及某乙速泊一

切眾生懺除地獄信禮大慈無上尊

志心信禮 大聖至真元始天尊

志心信禮 玄一天尊

志心信禮

志心信禮 住元相天尊

志心信禮 揮神妙用天尊
志心信禮 摩靈普衛天尊
志心信禮 玄臺勤德天尊
志心信禮 高定智天尊
志心信禮 默念無爲天尊
志心信禮 勝華潛耀天尊
志心信禮 遊寂處天尊
志心信禮 紫府凝神天尊
志心信禮 澄真淨天尊
志心信禮 紫極微觀天尊
志心信禮 太虛常寂天尊
志心信禮 杳冥神化天尊
志心信禮 至極安樂天尊
志心信禮 最勝天尊
志心信禮 端靖和光天尊
志心信禮 華廣德天尊
志心信禮 清淨真天尊
志心信禮 和光隱妙天尊
志心信禮 超冥際天尊
志心信禮 度八難天尊

志心信禮 乘景浮空天尊
志心信禮 凝神生慧天尊
志心信禮 湛相淳寂天尊
志心信禮 極虛感天尊
志心信禮 度幽海天尊
志心信禮 飛形相天尊
志心信禮 體真實天尊
志心信禮 消魔試天尊
志心信禮 悟劫天尊
志心信禮 玄宮治天尊
志心信禮 朝宴禪秦天尊
志心信禮 寧撫萬神天尊
志心信禮 妙力實真天尊
志心信禮 南丹慧天尊
志心信禮 開玄隱天尊
志心信禮 啓神化天尊
志心信禮 百莊嚴天尊
志心信禮 大慈悲救苦真人
志心信禮 大慈悲拔罪真人
志心信禮 大慈悲普濟真人

志心信禮 大慈悲妙行真人
歸依十方無上天尊諸大真聖某乙消師
父母宗親眷屬遠及一切衆生自從無始以
來至于今日曾未覺悟動積冤愆高慮命過
之後入此諸大地獄受斯責報得無畏悚並
願從今一懺盡得消除苦趣不經善緣增長
亡者受生幽牢罪對快樂自然永離惡道稽
首十方正真三寶
發願品
太上告妙行真人曰吾向所宣妙義一一罪
福各有等差一一修行皆示要徑一一法門
普皆開闢所以爲衆生而言也言直而理顯
文通而義貫除迷破疑超凡入聖盡在於此
由專誠取悟而已而常念一切衆生不能廣
發大願心心濟物念念度人或人或天皆起
平等至于身心口意耳鼻舌根常能清淨堅
固不退動作卧息皆能行之損此利他先人
後已積功於身常行洗懺罪根既滅善芽日
生可不妙哉敬禮慈尊次發大願
志心信禮 大聖至真元始天尊